

陝西名勝志

十一

臨洮府
鞏昌府

七冊

漢書門			
九	三	二	二
三	八	三	三
八	七	六	六
冊	架	函	號

內閣文庫			
三	二	二	漢
九	三	三	書
八	九	六	冊
架	冊	號	類

內閣文庫	
番號	漢 2368
冊數	93 (60)
函號	291 35

明名勝志六十







勝卷之十


閩中曹學佺能始著

慶陽府

隸陝西布政司

領州一縣四

春秋義渠戎國秦滅之以屬北地郡後魏于此置朔州矣隋文帝改為慶州宋環慶路安撫使所治因置府曰慶陽曾氏雜海曰藝祖備西戎用姚弋斌于慶州責以自守斯其地也○通志云郡城有周不窋廟塑像其中東西兩壁繪文王以下三十王像按史記周后稷子不窋因夏衰奔于戎翟之間至公劉克修后稷之業民賴其慶故以之名



陝西各州縣志卷之十一
州也今府東南三里有不窋城及塚碑碣○安撫使宅范仲淹建其子純粹後知慶州于郡廨內立江漢堂晁補之記○鵞池在郡治南二百三十餘步暗通西河宋慶曆間經畧使王浚所鑿有臨川閣在池上蔣之奇詩陝右號名郡慶陽廼雄鎮臨撫多奇才結構甚閎峻城端聳華閣千里歸一瞬不窋陵廟存其傍接烽燼人家在深崦簷瓦俯可認陶穴尚遺風前書自傳信俯窺鵞池泉窈黑深萬仞黃河繚如帶漱激以湍迅地險誠在茲賊騎安可近○岐伯北地人與軒轅帝論醫有素問難

經行于世○公孫昆邪義渠人漢景帝時爲隴西守以將軍擊吳楚有功封平曲侯著書十五篇

安化縣附郭

唐天寶初與安化郡同置漢之郁郅縣也周地圖云郁郅城今名尉李城在白馬嶺西川交口水經注云洛川南經尉李城東北合馬嶺水號白馬水按馬嶺亦名箭筈嶺左右帶川相傳漢牧畜地也在府城北二十五里中有果實猿鳥巖洞幽邃莫窮所止唐設馬嶺縣旋廢嶺北有靈武縣漢地里志屬北地郡者○城外東西二河以分城西東而

名俱來自沙漠東河合懷安川及靈溝水西河合
楊集澗水谷溝下馬汀諸水至城南會又有北全
河自城東七十里白豹塞來黑水河自城北百五
十里太白山來俱至城南與洛水會○城西北有
烏嶺卽青山也東觀漢記建武二十一年四月安
定屬國胡叛屯聚青山遣將兵長史陳訢討平之
○花坡在城東二十里山坡多植牡丹故名○景
山在城西一百里木石奇恠中多異獸見山海經
○鹽池花馬池紅柳池俱在城北五百里按鹽池
有二大者周圍八十里小者二十七里其水特鹹

可煮爲鹽花馬池周圍四十二里與馬槽字羅濫
泥鍋底諸池相近紅柳池周圍二十六里石溝池
在其西蓮花池在其東○牛圈去縣境百里四傍
皆沙磧惟中有圈瀦水人馬給飲○按牛圈與鳴
沙塞相連唐大曆初朔方留後常謙光奏吐蕃寇
鳴沙首尾數十里郭子儀遣兵馬使渾瑊將銳兵
五千援靈州子儀自將至慶州爲之犄角吐蕃聞
之始遁去○宋仁宗時環慶安撫使范仲淹築大
順城于郡西北當後川橋口以斷夏人侵寇之路

合水縣

在府城東
七十里

隋置合水縣在郡西南一里此則西魏之華池縣也義寧中析舊合水置樂蟠縣唐初又析置蟠交縣天寶始改蟠交曰合水宋以華池樂蟠二縣省入○華池廢縣在今治東北百二十里樂蟠廢縣在治西南七十里華池本漢歸德縣地更始封岑彭于此亦隋之洛源縣也寰宇記云洛水源出縣北二十里之白於山一名女郎山山海經云白於山其上多松柏下多檀櫟獸多牝牛羝羊鳥多白鶉洛水出其陽東流以注于渭○樂蟠縣本漢畧畔道地有畧畔城去縣西南六十里後魏大統置

蔚州于此○南山在縣城南一里許子午山在縣城東五十里舊名翟道山一謂雞山有烏雞水出焉西北注于洛統志謂之橋山相傳黃帝葬衣冠處有軒轅陵漢武帝巡行朔方還祭黃帝於橋山王莽更名上陵時也有玉梅川延鳩川鳳川建水諸源俱出子午山東流入華池水與北空河合謂之合水縣以此名○鳳川有鎮在縣東五十里宋大中祥符間經畧使范仲淹置○聖公泉在縣治南寶泉在縣治北清水泉在縣西南一里天雨滂沱流而不濁故曰清水又有玉泉在縣西南七十

里漢城原之側石崖上刻唐人詩云山脉逗飛泉
泓澄傍巖石亂垂寒玉篠碎洒珍珠滴澄波澹萬
象明鏡瀉天色有時乘月來賞詠還自適不書名
氏○碑目載唐列聖碑在縣東百里金明昌中薛
王十三世孫李大忠刻高祖至昭宣二十一帝像
於上又二十里有郭子儀碑其十一世孫訥刻汾
陽墓誌鐵券于塚傍

環縣

在府城北
二百里

環江在縣北七十里流經城西委曲環抱縣名取
焉縣南五里有石泉水又三十五里有水波溝又

六十五里有黑河縣東七里有七里溝縣西二里
有甜水溝又十五里有鴛鴦溝又六十里有合道
川又二十里有佛堂溝俱流注之○志云本靈州
之方渠鎮晉天福中建爲威州周廣順中避諱始
改環州宋以方渠元以通遠二縣省入 我朝降
爲縣按通遠卽五代所置軍也方渠漢縣以方渠
水而名在城南七十里唐節度使楊朝晟次方渠
乏水有青蛇下走朝晟依其蹟掘之遂爲清淵士
飲給足因立祠焉○古長城在縣北一里秦所築
也靈武臺在縣東北二里舊屬靈州唐肅宗卽位

于此○烏侖城在縣北三十里烏侖山下東面受河又三十里爲需源城又二十里爲洪德城又合道城興平城安邊城木波城俱在縣界宋元符時築以防夏人者○葫蘆泉在縣西鎮戎堡此地舊有蕃部居之與明珠滅滅部相接○勝覽樓在環江側觀兵亭在城外舊教場宋种世衡與范仲淹俱有祠爲宇文虛中所奏建及隆興間金人陷環州統制強寬與其弟震不屈而死因立廟以旌之賜額旌忠□按史世衡知環州環原之間明珠滅滅康奴三族最大其北有二川交通西界范仲淹

議築細腰城斷其路命世衡董其事世衡方臥病檄至卽將所部甲士晝夜興築城成而卒世衡在邊數年積穀通貨所至不煩縣官益兵增饗而武功自振夏戎知屬羗不可誘又土人皆衡教之善射始不以環爲意

寧州

在府城南領縣一百五十里

漢班彪賦至北幽寧古公劉邑謂之北幽春秋義戎國所居秦昭王母宣太后以計取之遂有其地因置北地郡北地都尉理此西魏始置寧州相沿至今○圖經云西河亭在州治內相傳漢末王莽

時創五柞亭在廢泥陽縣界續漢書泥陽縣有五柞亭是也右去州東南五十里○黃龍亭舊名高岡亭後漢建武中曹鳳字仲理爲北地太守政化尤異黃龍應于九里谷之高岡亭角長三尺十大圍稍至十餘丈天子嘉之賜帛百匹加秩中二千石○州學有六君子堂祀隋元諧梁毘唐李勣狄仁傑宋孔道輔李允皆有功德于寧者治圃有風月亭蓮池柳港花嶼蘭臯諸勝皆宋時闢以爲遊賞之所○安定崑在州城西五十里後魏之安定縣以此而名色濃如黛石可鑄硯宋張舜民有詩

詠之又以山石粲然若畫謂之畫山石其州曰珊瑚川水經云珊瑚谷水東南至栒邑入洛矣○縣南六十里有定平廢縣唐初析定安所置者城內有凝壽寺張舜民記以爲定平山不如木木不如寺寺不如凝壽也○金沙泉在州城南一里其水湧沙如金故名九龍湫在城東十里珊瑚湫在城西二十里水坡湫在城南五十里○橫嶺在州東百里蓋子午山別阜也奢延川水出焉一名小延川自橫嶺流至城東六十里襄樂故城合大延川又西流繞至城南會九龍川本志以川中有堆阜

九九似陵亦謂之九陵水也又有走馬水出橋山
流經長城俱北注奢延川昔段熲追羗出橋門至
走馬水聞羗在奢延澤乃輕兵兼行一日夜二百
餘里卽此處矣○傳介子墓在州境內介子北地
人斬樓蘭王者○唐狄仁傑特祠在州城西有碑
像豫州流民哭于其下卽此碑也梁公爲豫州刺
史承武后制欲盡殺豫州民公力爲生全之纔得
遠徙○金石錄唐邠寧馬璘德政碑韓雲卿撰張
少悌行書大曆三年四月立

真寧縣

在州城東
一百里

寰宇記云羅川水出羅山下隋羅川縣以此名西
南有寧陽城大陵小陵水至城南合函詩夾其黃
澗註云卽陵水也唐開元二十三年八月玄宗夢
群仙現於羅底乃詔訪焉使者行至羅川縣王堡
村有一老人引入洞口化爲白兔不見遂得玉石
仙像凡二十七各題姓名得道去處併老人亦一
仙之數以應二十八宿乃勅置觀曰通聖別塑真
容因改縣爲真寧治南有撫琴山山畔有洞風來
作聲彷彿若琴韻卽玄宗夢現群仙處也○志云
于庄溝在縣城東二十里又四十里爲要冊湫卽

橋山之尾也周圍十畝傍有龍祠唐碑尚存○下馬汀在城北三十里水濱地曠行者多憇息焉又五里為陽周城漢縣史記陳餘與章邯書曰蒙恬為秦將北逐戎人開榆中地數千里竟斬陽周即此城矣 國初景清真寧人為僉都御史以耿直聞于時及靖難師至金陵死之其事與方孝孺同

歐陽文忠公曰刻水也其開云二十二平八且文宗夢南亦寧則大刻小刻水至其南合幽指夾其黃泉字信云羅川水出羅山于割羅川縣以出谷西

陝西名勝志卷之十一

閩中曹學佺能始著

延安府

隸陝西布政使司

領州三縣十六

春秋白翟地秦漢屬上郡晉陷于戎其後為赫連勃勃所居後魏滅赫連昌以為統萬鎮孝武帝置金明郡于此宣帝因置東夏州廢帝改為延州隋開皇八年改為延安郡此延安之始也○一統志云延水源出安塞縣西北之蘆關嶺東南流入郡城東又經延長縣界入黃河俗稱為濯筋水相傳昔尸昆王割身救鵠身肉並盡于水中濯其筋骨

因名唐錢起延州聖僧穴詩昔日捨身緣救鶴今
時出現有飛鷹○龍尾水出郡北之龍尾溪清水
出郡北之老人谷烏耶水出郡東北之烏耶谷清
化水出郡東四十里之嘉泉俱入濯筋河嘉泉者
其水湧出飛一丈似團碾夙稱嘉美因設豐林縣
焉○府城南卽延利渠宋司馬光和龐籍詩支分
清淺流縱橫貫城市是也渠水復穿城出溢而爲
湖以多種柳於堤上名柳湖唐李益有路傍幾株
柳此路向延川之句宋范仲淹詩種柳穿湖後延
安盛可遊遠懷忘澤國真賞卽瀛州秀發千絲墜


光搖匹練柔折將贈歸客濯足向清流□湖上有
脩禱堂翠漪亭迎薰亭飛蓋園諸勝韓魏公琦初
爲臨眺之所按史龐公籍時以龍圖閣學士出知
延州兼鄜延路招討使在任繕城選卒因糧手敵
而民不擾及去民遮道泣曰公用兵數年無一事
煩民雖以子爲香焚之亦難報也文正忠獻二公
俱以陝西經畧安撫使駐延州夏虜大懼不敢近
塞時目爲韓范云溫公奉使宣諭至邊其延安道
中有暮烟凝塞上埃火落天涯之句○金石錄云
唐延安郡幽堂碑王光庭撰于經野正書○雍大

記云漢初翟王董翳治高奴卽府治金明寨前據漢書云有洧水可醮王莽曰利平矣

膚施縣附郭

史記趙武靈王滅中山遷其人於膚施漢書匈奴南侵至朝那膚施卽此處也本秦舊縣魏陷于戎隋大業中復置○志云嘉嶺山在城東南形勢高峻范文正公鑄嘉嶺山三字于石題曰慶曆四年秋日東吳范仲淹書○清涼山在城東北上有屍毘崑卽尸毘王脩行處有萬佛洞洞內大小佛像萬餘皆石鑄成又有石仙洞在山北金皇統九年

梁文仙鑿山半有泉名鷲峯寺僧于懸崖上垂綆以汲又有定甲泉亦在半崖間其泉溫潔雖寒不凍流入延水○伏龍山在縣西南五里狀如卧龍故名郡國志云上郡之名山也縣北十里有五龍山帝原水出焉福地記謂之仙人神泉祠五龍山後有一峯峭如碧簪高數百丈名碧簪山一名虎頭山○牡丹山在城南四十里名曰花原頭產牡丹極多樵者以之爲薪歐陽永叔花譜所謂延州牡丹與荆棘無異也其川曰牡丹村相傳杜甫避亂時嘗遊此亦曰杜甫川○按子美詩云五城何



迢迢迢迢隔河水邊兵盡東征城內空荆杞延州
 秦北戶關防猶可倚焉得一萬人疾驅塞蘆子註
 曰蘆子關在延州延昌城北以俗吐蕃蔡夢弼云
 去州百八十里之士門山兩崖峙立如門形若葫
 蘆故謂之蘆子矣○雜說云浮休居士張芸叟久
 經遷責既還怏怏不平嘗內集分題賦詩其女得
 蠟燭有云莫訝淚頰滴都緣心未灰浮休有慙色
 自是無復躁進意司馬村之室浮休之女也有詩
 在鄜延路上寺中一聯云蒲目烟含芳草綠憑欄
 露泣海棠紅或云便是詠燭者

安塞縣

在府城西
北四十里

後魏廣洛縣隋避諱改為金明宋析置安塞堡元
 因置縣以敷政縣省入○寰宇記云洛水在縣西
 七十里穿蕃部未至城下金明川亦自蕃來經縣
 北五十里西過南流入膚施縣界按後魏廣洛隋
 金明二縣取此○志云縣西南百二十里有龍潭
 井水深無底四時不竭禱雨輒應卽敷政廢縣治
 也三塏出在其縣北一里土石相雜上有三家遙
 望如塏故名又三里有古城城內有金蹄犢子殿
 梵書云昔有犢子出于石縫中金蹄銀角化見玻

黎王因立此廟○天澤山在今縣東五十步上有
 天澤泉○龍安山在縣西一里以狀如卧龍故名
 ○靈臺山在縣北五里巨石高險舊建雲臺觀于
 上○蘆關在縣北百七十里有東西二城唐杜甫
 塞蘆子詩五城何迢迢城內空荆杞宋司馬光詩
 圍水猶傳檄蘆關未撤烽皆指此○縣東南有西
 川水小平川水縣西北有洧水背水各東流注之
 延水○圍水即塞門水一名無定河宋史仁宗康
 定元年趙元昊陷塞門諸砦執砦主高延德以去
 時著作郎張方平上平戎策料賊入寇必自延渭
 而興州巢穴之守必虛我師自麟府渡河不十日
 可至此所謂攻其所必救形格勢禁之道也宰相
 呂夷簡見之謂知樞密院宋綬曰大科得人矣

甘泉縣 在府城西
南九十里

西涼記云甘泉在縣南五里崑谷上其泉去地一
 丈飛流激射厥味甘美昔隋煬帝遊此飲之取入
 禁內故縣以此名泉側有鳥身骨頂白足赤尾如
 小山鵲上黑下白其聲數種亂人聽聞雖善射者
 不能致○寰宇記云雕陰山在縣南二十里山夾
 土石鷹雕所居去洛水西二百步又十里有阿伏



斤水源出大盤山東南姚嶮谷流入洛川河伏斤
 夷虜名也水源隱伏川陸亦名伏陸水按當縣漢
 曰雕陰唐武德初曰伏陸至天寶二載始改爲甘
 泉○志云勞山在縣北二十里有太小勞相傳宋
 狄青與夏人相拒士卒疲困因憇于此○野豬峽
 在縣南四十里山峽險隘戍守之地○庫利川在
 縣東北廢臨真縣界耆老云土田沃壤五谷豐饒
 胡稱貯舊谷爲庫利也黑城在縣東百七十里庫
 利川口赫連勃勃置依山爲址崎嶇不正故名黑
 城○宋史趙元昊入寇延州都監黃德和赴援官
 軍接戰德和望見軍却策馬遁走甘泉總管劉平
 石元孫皆没于賊事聞德和竟論腰斬

安定縣

在府城北
百九十里

唐鄜州洛交縣地有白洛龍州一堡在其西北界
 此城中之安定寨乃宋慶曆間置元始陞爲縣縣
 有白水黑水二堡白水源出分水嶺卽水經所載
 者黑水在城北百里金李顯忠爲蕘尾九族都巡
 檢使駐兵黑水堡是也○志云二郎山在縣南一
 里雙峯並立故名又四十里爲鴉鴿山上產鴉鴿
 二鳥並居亦鳥鼠同穴之類又二十里爲神木山

山中古樹千株樵採不敢入人以爲神○于岔山在縣西五十里滴溜山在縣北一百里泉溜下滴右柏森然亦邊境之幽勝者

保安縣

在府城西北百八十里

古延州之栲栳城也唐咸亨間駐禁軍于此宋設爲保安軍元因縣焉按栲栳城以縣界栲栳谷而名水經注謂泥水源出栲栳谷是矣吃莫河源出蕃部之吃莫川南流至城西十六里入洛水不勝船筏至府城而始大○聖人道在城東七里從蕃界末懿家族來經縣境一百有五里入廢敷政縣

界卽赫連勃勃起自夏臺入長安芟平山谷開此道也○志云候雨山在縣西一里傍有石室天將雨則此山烟霧四塞人以爲候○空籠溝在縣南十里唐阿武婆擔籠于此故名○紫馬溝在縣西四十里相傳三國時獲紫馬處艾蒿嶺在縣東六十里呂布生于此地有窟穴呼爲呂布窟○宋通鑑仁宗寶元二年冬十月夏人寇保安軍巡簡指揮使狄青擊敗之青初以騎御散直從西征戰安遠諸砦皆克捷臨陣被髮帶銅面具出入賊中衆披靡莫敢當至是元昊寇保安鈐轄盧守勤使青

擊走之及議和之後仍置摧塲于本軍但勿通青鹽而已

宜川縣

在府城東南二百八十里

寰宇記云汾川水在縣北源自甘泉縣界來東流入黃河丹陽川在縣西南水經注云蒲川水自鄜州洛川縣來流入丹陽川川口有赤石因曰赤石志雲崑山在縣東北八十里山崑重疊如雲故名門山在縣西七十里山形如門劣容車馬按當縣後魏初置汾州廢帝以河東有汾州因改丹州領宜川雲崑門山諸縣宜川在郭下是也○通志云

古汾州城在縣東七十里丹州城在縣東北二十里唐永徽中移於丹陽赤石川口其城遂廢又有故咸寧城在縣東四十五里隋開皇置宋初省入宜川唐渾瑊封咸寧郡王卽此城有祠在縣東南五里之鳳翹山墓在縣西南五十里宋元豐中追封忠武王○九域志云安樂山在縣南十里相傳昔時屯兵於此主帥命唱安樂詞以慰勞之故名○縣北石澧下三里黃河中流有石扼之蓋禹鑿石導流之處縣南十里有銀川河縣北八十里有雲崑河又二十里有澤徑河俱入黃河○玉蓮池

在縣北池廣數千頃多種異蓮為一方之勝庫碣川在縣西北二十里川南為漢北為番番人呼香火為庫碣故此名川○宋通鑑徽宗宣和四年夏六月夏人救遼金襲敗之于宜水追至野谷澗水暴至夏人漂沒者不可勝計宜水即今宜川縣也雍大記引本志云東帶黃河西阻鄜時北控孟門南連韓奕為上郡之藩屏攷孟門山在縣東南二十里魚之遡河者扼于孟門不得上當此處矣其相對即安樂山

延川縣

在府城東二百里

秦臨河縣地始皇遣蒙恬將十萬衆擊匈奴悉收河南地因河為塞築四十四城臨河縣其一也城北奇基川胡語濯筋即吐延川寰宇記云吐延水與骨胡川俱自綏德縣來流入黃河按後魏于此置安民縣後又析置文安縣隋開皇中始改延川○縣東城下有清澗水北流入延川東北有柏全溝五龍川縣西有王家溝唐家全縣南有王林溝沙泉溝縣北有土谷全湑水川西北有紫溝社樹平已上諸水俱流注之○縣西一里有山曰西山上有西山寺又四十里為官道山○青眉山在縣

西北六十里後魏土番青着家族居此○五龍泉在廢延水縣東里許平地石縫中湧出其聲雄吼味特其美○縣北九十里有石油井井出石油每歲六月取之塗已瘡疾按過庭錄云鄜延境內有石油舊說高奴縣出脂水卽此也生於水際沙石與泉相雜惘惘而出土人以雉尾裹之乃採入缶中頗似淳夾燃之如麻但烟甚濃所需帷幕皆黑予疑其烟可用試掃其煤以爲墨黑光如漆松墨不及也遂大爲之其識文曰延州石液者是

延長縣

在府城東百五十里

後魏之廣安縣隋避諱爲延安唐廣德初易今名○通志云屏山在縣治南狀如畫屏翟水逕之水面出油可以燃燈○漱玉巖在縣東軒豁可容百人泉出如練因有漱玉之稱其流入鴛鴦渚謂之城東河○九連山在縣西十五里九峯相連不斷又十五里爲鬪鷄臺相傳昔仙人鬪鷄于此○獨戰山在縣北四十里其山嶮峻一人拒守可以當千交口川逶之○髑髏山在縣東六十里耆老相傳古時鬪戰收人首數萬于此山因置廟祀其川經獨戰山東入黃河

青澗縣 在府城南
百二十里

古有青澗水在綏州之廢城平縣內此為寬州舊壘今縣東三十里有石城故寬州也宋種世衡城之處險無泉鑿地十五丈遇石世衡命屑石一畚酬百金卒得泉萬人歡呼曰神乎雖虜兵重圍無困渴之患矣按世衡以鄜州判官署青澗善推養士卒得其死力及卒之日羗酋臨者數日青澗人皆畫像祠之 國朝正德間虜患告急縣令趙輅恐石井不足用更鑿一井引東河水自城下穿入今謂之新井○青澗河西自安定縣來南流至延

川入黃河縣東有東河發源苜蓿嶺縣西有西河發源烽臺川俱流注之○無定河在縣東八十里北自故銀州撫寧縣界流入南注黃河一名奢延川一名銀水唐志銀州東北有無定河即囿水也後人因潰沙急流深淺不定因改今名唐陳祐詩無定河邊暮笛聲赫連臺畔旅人情函關歸路千餘里一夕秋風白髮生○志云綏平寨在縣西一百里宋李顯忠破紅巾寇乞即羅于此顯忠縣人世襲蕞尾九族巡檢金人陷延安授其父永奇及顯忠官永奇泣曰我宋臣也為彼用耶會劉豫令

顯忠率兵赴汴永奇密戒曰汝得乘機卽歸本朝
母以我貳志及豫廢金授顯忠知同州顯忠以計
執金帥撒里局急遣人告永奇挈家出城爲金人
所及家屬二百口皆遇害○自警編云始趙元昊
寇邊王師屢撓虜焰益張常有併吞關中之意其
將剛浪凌號野利王又有號天都王者各統精兵
於別部元昊倚以爲腹心凡所以能勝我軍皆二
將之策也种將軍世衡謀欲以去之有王嵩者本
青澗僧世衡察其堅紆誘令剋帶因出師以賊級
予之白於帥府表授三班借職充經畧司指揮且
力爲辦其家事凡居室騎從衣食悉具嵩感恩旣
深世衡反不禮以奴畜之或掠治械繫數口嵩雖
不勝其苦卒無一辭怨望世衡知可任以事居半
年召嵩謂之曰吾將以事使汝吾戒汝所不言其
苦雖有甚汝能爲我卒不言否嵩泣對曰嵩貧賤
無狀蒙將軍恩數致身榮顯常誓以死報而未知
其所况敢辭箠楚乎世衡乃草遺野利書書辭如
起居儀惟以數句隱語似有私約而勸其速行之
意因膏以蠟置衲衣間密縫之告嵩此非瀆死不
得泄如泄之頃當以負恩不能成吾事爲言并以

畫龜一幅棗一蔀爲信俾遺野利嵩受教至野利所居致將軍命出棗龜投之野利知見侮笑曰吾素竒种將軍今何兇女子見識度嵩別有書索之嵩目左右旣而答以無有野利不敢匿乃封其信上元昊數日元昊召野利與嵩俱西北行數百里至一大城曰興州先詣一官寺曰樞密院次日中書有數胡人雜坐野利與焉召嵩廷詰將軍書問所在嵩堅執前對稍稍去巾櫛加執縛至於極苦嵩終不易其言又數日召入一官寺廳事廣楹皆垂斑竹箔綠衣小豎立其左右嵩意元昊官

室也少頃箔中有人出又以前問責之曰若不速言死矣嵩對如前乃命曳出誅之嵩大號且言曰始將軍遣密遺野利王書戒不得妄洩今不幸空死不了將軍事吾負將軍箔中急使人追問之嵩具以對乃褫衲衣取書以進書入移刻始命嵩就館優待之元昊於是疑野利陰遣愛將假爲野利使使于世衡世衡知元昊所遣未卽見命屬官曰館勞之問虜中山川地形在興州左右則詳及迫野利所部多不能悉適擒生虜數人因令隙中視之生虜能言其姓名果元昊使世衡意決乃見之

世衡燕服據案坐屬官皆朝衣抱文籍鳧雁侍左
 看于賓贊引使者出拜使者傳野利語世衡嫚罵
 元昊而稱野利有心內附乃厚遣使者曰爲吾語
 若王速決無遲留也度使者至嵩卽還而野利已
 報死矣世衡因欲并問天都又爲置祭境上作文
 書於牋以弔多述野利與天都相結有意本朝悼
 其垂成而失其文雜紙幣誠有虜至急熱之以歸
 版字不可遽滅虜人得之以獻元昊天都以此亦
 得罪元昊既失二將其勢始孤遂定講和之策

鄜州

在府城南
百八十里領縣三

漢郊祀志秦文公東獵汧渭夢大蛇止于鄜時以
 問史敦敦曰此上帝徵君祀之于是作鄜時祠以
 祀天按後魏廢帝改東秦州爲鄜以是名矣州初
 設杏城鎮後移理於五交城卽今治所杏城鎮者
 漢將韓胡伐杏木爲柵以抗北狄處也五交城以
 洛水所交併大小塞門水爲五隋文帝置洛交縣
 于此曩苻堅時爲長城縣後魏及周曰三川縣也
 ○長城在州東南四十里秦蒙恬所築三川謂華
 池水黑源水洛水所會古三川郡取焉今爲三川
 驛唐杜甫詩三川不可到歸路晚川稠落雁浮寒

水饑鳥上戍樓亂離今日見喪亂幾時休遠媿梁
江總還家尚黑頭註云公時家在鄜州墨制許往
省視述其途中所見○水經注曰葦谷水東南流
入三川破羅谷水南流經黃原祠東合葦川按葦
谷在城西北谷中多蘆葦故名亦名聖佛谷唐鄭
玉詩水會三川漾碧波雕陰人唱採花歌舊時白
翟今荒壤葦谷淒淒風雨多○方輿勝覽云郡譙
樓曰保大樓以唐置保大軍節度於此武元衡詩
三川會合古鄜州紆紱來寬宵旰憂靜守化條無
一事東風獨上夕陽樓○志云州學孔廟戟門邊

祀唐杜甫宋范仲淹甫以祿山之亂避兵三川肅
宗立復自鄜州奔行在拜左拾遺仲淹爲鄜延安
撫使詳郡下○州內有塵玉亭唐詩人羅虬作鄜
坊從事賦比紅兒其一解曰花落塵中玉墮泥香
魂應上窈娘堤欲知此恨無窮夜長倩城烏夜夜
啼宋康識守鄜日因建亭治圃摘塵玉二字爲名
○開元寺在州城北寺內有白松竒石相爲環抱
明張者詩葉墜銀釵細花飛香粉乾寺門烟雨裏
渾作玉龍看寺外有坡曰開元坡唐葦莊詩開元
坡下日初斜拜掃歸來走鈿車○龜山在州城西

一里以形似而名櫻桃山在城南四里上多櫻桃樹○梅柯嶺在州西北三里相傳有梅樹爲少陵手植者又有大迴嶺在州南十里以子羨入蜀時迴車瞻望于此○黑鷹崖在州東北三十里舊多黑鷹棲此又有馬尾崖在州南百二十里高數十丈崑畔水流遙望如馬尾狀○直羅關在州西一百里路通環慶唐太宗征突厥所開也今設有巡檢司江家川餘樂川俱經此入洛交水○州理在洛交之羗村杜詩有云崢嶸赤雲西日脚下平地柴門鳥雀噪歸客千里至妻孥恠我在驚定還扶

淚世亂遭飄泊生還偶然遂隣人滿牆頭感歎亦歎歎夜闌還秉燭相對如夢寐正其自行在省家時也○宋史趙元昊寇三川諸砦經畧韓琦使副總管任福等領兵七千聲言巡邊部分諸將夜趨七十里至白豹城平明克之破四十一族焚其積聚而還

洛川縣 在州城東六十里

姚秦置因洛川水爲名元以鄜城縣省入寰宇記云後魏置敷城縣隋改作鄜城攷宋史范仲淹知延州請建鄜城爲軍以河中府同華諸州中下戶

租稅就輸之春夏徙兵就食可省糴十之三民免
遠輸勞苦詔以爲康定軍○酈臺在酈城廢縣東
南二百步宋范純佑詩兩載低着着小寇一臺高
築地平寬向陽花木齊教放天下無春似此間純
佑文正公長子嘗雜亡者入虜中探其消息而歸
後成驚癩疾不起此臺蓋其爲監簿時所築○寰
宇記云楊班祠在縣東南六十里續搜神記謂姚
萇時立節將軍楊班居黃梁谷北卽此其谷西有
小谷由來無水夜中忽有人語就班借車牛十具
云欲移徙尋則聲絕班脩牛車十具置門前至明

車濕牛汗乃尋車轍至乾谷忽有水方二百餘步
其水極深不可測冬亦湛然按志以黃梁水源出
爛柯山爛柯亦傳爲王質遇仙事其山去縣東北
三十里黃梁水西南流出注于洛○志云縣南有
仙宮河東北有開撫川河西北有廂西河俱由宜
川縣界來注于洛又縣南百二十里有聿津河自
韓城縣界來西流入洛○雄兒山在縣東五十里
又二十里爲聖公山故老相傳皆昔據要拒賊之
地○黃龍山在縣南一百三十里此山常有黃雲
籠罩其上望之彷彿如龍搖曳狀○界頭山在縣

東南百五十里與澄城縣分界故名○北朝秦族洛川人性至孝父喪哀毀過禮然以母在恐傷其心每慟哭于外酸感行路及母歿哭泣無時惟飲水而已終喪之後猶蔬食不入房室者二十餘年邑人王元達上其狀後周文帝旌表其門

中部縣

在州城南百四十里

漢翟道縣地渠搜中部都尉治故後魏武帝曰中部縣矣後周天和七年唐世祖作牧鄜州于州界置有馬坊武德二年高祖駕幸結構之處猶存聖情永感因置坊州至元時廢○志云坊州在縣西

南翟道城在西北其四十里有石堂山即翟道山也穆天子傳癸酉天子命駕八駿之駟造父為御南征朔野逕絕翟道升於太行郭璞以為隴西狄道非矣注水經云淺石川出翟道山與泥谷水及南北二香水合流入沮水沮水從縣西橋山下過橋山相傳黃帝所以葬衣冠也山前有祈仙臺亦云漢武帝築山北有上善泉唐刺史崔駢導入城中以資漑汲居人至今賴之○鳳凰山在縣西一里每遇金秋黃菊芬芳香氣襲人又四里有玉仙山時聞仙人往來于此○一線泉在縣西南一百

八十步泉垂如綫其味清甘又里許為滴珠泉泉出石崖滴瀝如珠舊名黃花泉○縣東十里古川口沮洛交會處謂之龍首川即縣川也縣西北七里有谷河水及子午水流至葛家川與沮水合謂之三河○沮水自縣西二百里子午嶺東南流入洛川縣界洛水在縣東北三十五里西北自鄜州來南流入洛川

宜君縣 在州城西 南二百里

苻秦初置宜君護軍後魏為縣唐貞觀十七年廢旋因建玉華宮仍于宮前置宜君縣永徽元年

與縣俱廢龍朔二年坊州刺史竇師倫奏請再置即今理也去宮二十六里○玉華宮在縣西南鳳凰谷內此谷常有五色雀翔集因名谷中有地九頃唐太宗建玉華宮九殿五間勅正殿覆瓦餘皆葺茅其地本縣人秦小龍宅太宗曰小龍出大龍入也當時以為清涼勝九成宮云後改為玉華寺寺內有蕭成殿玄奘法師於此院譯經每言此寺乃闍浮之兜率天也宋雍熙間于山前獲一角獸時以為麟金復置玉華鎮○杜甫玉華宮詩溪曲松風長蒼鼠窠古瓦不知何王殿遺構絕壁下陰

房鬼火青壞道哀湍瀉萬籟真笙竽秋色正瀟灑
美人爲黃土况乃粉黛假當時倚金輿故物獨石
馬憂來藉草坐浩歌淚盈把冉冉征途間誰是長
年者梅聖俞註曰玉華宮側近有晉苻堅墓前有
溪曰醜醜蓋取溪水如酒色之碧也○寰宇記云
慈烏水在縣西四十里流經芝蘭谷石盤水在縣
東五十里流經大石盤谷子午水在縣北百二十
里流經中部縣又縣東北有雷聲溝水西南有姚
曲川水俱東流入縣界之沮洛洛水去縣東北八
十里自鄜州界來南流入白水縣界○龍尾山在

縣西五里以形似而名縣南又有龍頭山泉水出
焉曰官泉水○烽火原在縣南五里又五里爲野
火谷以山石皆紅如火焰也又二十里有泉舊說
孟姜女送寒衣于其夫經此疲渴仰天而哭泉忽
湧出因名哭泉○香山在縣西北三十里又直西
二十里爲芝蘭谷以產此二草而名○太子山在
縣東南四十里世傳秦扶蘇築長城時所憇又五
十里曰秦山則以秦王世民所畋獵也縣西有駐
鑿崖相傳太宗嘗駐蹕于此玉華川水出焉

綏德州

在府城東北
三百六十里領縣一

秦始皇二十三年遣蒙恬將兵畧地河南公子扶蘇監之始皇因以爲上郡漢武帝徵六郡良家子此其一也春秋白翟地晉文公初霸攘戎翟居于西河圍洛之間其後三家分晉魏有西河上郡是矣史記項羽立董翳爲翟王都高奴今高奴城在州東五里建安末荒廢後魏始置綏州宋置軍加德字時爲夏人所侵據鄜延總管种諤世衡子也戰後綏州夜渡大理水駐師城西蘓軾有种將軍諤破西賊志喜詩卽此○州城唐貞觀年築四面石崖東高八十尺西高百四十尺南高四十尺北

高百二十尺周旋四里二百步有綏德衛與州同城○長城一在州西十五里大力川一在州北二十五里無定河俱蒙恬所築唐李益詩漢家今上郡秦塞古長城有日氣長慘無風沙自驚○州西北四十里有吳兒城赫連勃勃破劉裕子義真于長安遂虜其人築此以居之故曰吳兒城○通志云朔方臺漢李廣築廣爲上郡太守征朔方所建也州東有李廣塞及西之土門北之孤山西北之柏林凡十六塞俱隸戎籍○志云曉角山在州城內諺以曉角初晴蘓臺返照爲對蘓臺卽秦扶蘇

臺也有鳴咽泉在城南三里卽扶蘇賜死處唐胡曾詩舉國賢良盡淚垂扶蘇屈死戍邊時至今谷口泉鳴咽猶似當年恨李斯○嵯峨山在城西南其山層累迭出狀如鶻雕漢雕陰縣以此名○又二里爲疏屬山山海經貳負之臣曰危危與貳負殺竅窳帝乃梏之疏屬山桎其右足反縛兩手與髮繫之於山西北漢宣帝使人發上郡疏屬山於盤石室中得一人徒裸披髮反縛械一足遍問群臣莫能知惟劉向按經以對帝驚異賜帛二百匹于是始重山海之學○唐羅虬侍女紅兒雕陰人

也虬因醉誤殺之醒迺悔而作比紅兒百首其一云能將一笑使人迷花艷何湏上大堤疏屬便同巫峽路洛川真是武陵谿○無定河在州東關外一名圉水西北自米脂縣來流入青澗縣界州東南有懷寧河西北有大理河俱流注之○黃河渡在州東百二十里黃河水所經也○漢書成帝時馮野王爲上郡太守其弟立亦自五原太守徙西河上郡治行畧與野王相等民歌曰大馮君小馮君元第繼踵相因循聰明賢智惠吏民政如魯衛德化鈞周公康叔循二君按括地志云上邽故城

在綏州上縣東南五十里漢永初五年罷始徙于
 衙在同州白水縣東北○唐書崔仲方傳武德初
 授司農少卿奉令發兵三萬于朔方郡築長城東
 至黃河西距綏州南抵勃出嶺綿歷七百餘里以
 拒胡寇又開渠溉田民獲其利甚溥

米脂縣

在州城北
八十里

本延川縣之米脂川宋置寨金縣之元以嗣武克
 戎二縣省入米脂者以其地沃宜粟米汁如脂也
 米脂水在縣東南百步○志云暖泉寨在縣東四
 十里地有溫泉故名銀州關在縣西九十里上有

古城故銀州治也虜人牧驄馬於此谷其鄉語以
 驄馬為乞銀故名又六十里為永樂城○峯子山
 在縣西十里又南一里為高梁山○石佛山在城
 東相連山在城西各去七八十里○無定河西北
 自沙漠地來流經縣入綏德州界有大理河小理
 河各注之俱在縣西百里又有馬胡谷飲馬河撫
 寧谷磨石溝背干川諸水俱入無定河唐無名氏
 詩誓掃匈奴不顧身五千貂錦喪胡塵可憐無定
 河邊骨猶是青閨夢裏人志以為陳陶作

葭州

在府城北五
百八十里

領縣二

漢西河郡圖陰縣地以在圖水之陰矣後周置中鄉縣隋改貞鄉宋即葭蘆川立寨金陞為州葭蘆河在城西五里中多葭蘆故名傍河有嶺透迤宋將韓義敗夏人于葭蘆西嶺者也州東城下有渡曰桃花渡即真鄉川水由沙漠界來東流入葭蘆○志云州北五里有峯特出口第一峯又橫嶺在州南十里以狀橫若屏風也再四十里為壇家坪其地濱河有壇姓者居之再十里為艾蒿坪山夷艾蒿蒙茸故名○桃園子箭括塢俱在州西二十里以其地多產桃樹及竹箭也又十里為白草窪蓄水故曰天池○轆轤石在縣東南八十里拍窰山頂半露其形酷似轆轤又有鞦韆塢在縣東北一百里兩山之頂大樹架其中為路行人若鞦韆下過

吳堡縣 在州城南八十里

唐石州定胡縣地宋置吳堡寨于此金為縣故城西二里有山口寨西存其舊也○寰宇記云孟門關在定胡縣東一百步周大象中設津湫水北從樓煩部來南經呂梁尸子云呂梁未關河出孟門為一此之謂也按黃河在縣東一里又縣南二十

里菜園渡東過黃河通山西路○清河溝橋在縣西二十里黃河水渾而此獨清故名縣北十里有傍仙坪傳云仙人集此

神木縣

在州城東北三百里


通志云縣西十五里楊家城內有神松二株元置縣以之為名實古銀勝二州地唐之麟州元之雲州也按麟州城在縣北四十里漢新秦地新秦者武帝徙貧人於關以西及朔方以南謂之新秦矣寰宇記以新秦連谷銀川二縣俱列麟州下宋廢為成管神堂靜羗寺寨志云屈野川舊屬銀城縣

者在城西南百五十里○燕然山李陵臺青塚光祿塞俱在縣西北境內燕然即漢車騎將軍竇憲出鷄鹿塞遂至燕然者也李陵臺壘石為之單于援騎多候於此青塚相傳為王昭君塚塞草皆白惟此冢上獨青故名光祿塞舊名五原塞漢光祿徐自為出五原城數百里築城列障至盧朐山因謂之光祿塞○唐賈至出塞曲萬里平沙一聚塵南飛羽檄北來人傳道五原烽火急單于昨夜寇新秦

府谷縣

在州城東北五百里

唐之府谷鎮也土人折太山折嗣倫代爲鎮將後唐莊宗陞爲縣嗣倫等招回紇歸國仍于縣置府州界之有百花塢在治圃折氏子孫世官所勗也○志云五虎山在城東突起五峯如伏虎狀又其地有香爐峯舊傳神仙煉丹于此○桃花洞在縣南崖洞口通東崖其中有硃砂洞門光艷若桃花然南崖畔有千佛洞鑄設甚古○黃河去縣一百十步西南流入神木縣界清水川在縣北五十里西北自沙漠來邊方士騎賴以汲飲設有營堡卽以清水爲名其曰瓦窰山在堡西曰古城山在堡南各去二里○陶家山在縣北二十里梁家山在縣東五十里俱以二姓所居而名又有水塞山兩川夾流峙立江中距今縣北十五里



南崖洞口通東崖其中有硃砂洞門光艷若桃芬
然南崖畔有千佛洞鑄設甚古○黃河去縣一百
川夾巖削立石中現今懸北十里縣北五十里
緜東正十里縣以二按所出而各又自水寨山兩
南谷去二里○圍家山其緜北二十里聚家山其



